



CISULC UCELUSWOCN AGENUDASIC.

S T. Rand

Ajcinetut, Cisulc igenemulcus wigadigena. Sabewultitcic jinamugwic cisidudip. Wejuli Niescam cegenudemadisenic tan telwicamidip. Na Cisulc wejicinamulcw ut wigadigen, cinu tan teluksedadidacsanu. Na wigadigen teluisic Baibel. Sac ewigasicsep. Wejipcotamcasic agenudemulcw tan Cisulc tetpicipisidocsebenn wasoc ac macamigau, ac m'sit coguel nemidemcel ac mu nemidemugel. Agenudemac tan telipadadeges amscwesaweok jinamok, tan wejimalcotoes negula camuj tan Cisulc teblutnabean mu umalcodamena. Ac pegweliagenudemulcw ujit Cisulc, ac ujit jinamugwic, sabewultitcic, ac elp eluwewultitcic; ac wejiaagenudemac wasoc, ac manduagic, ac pigwelcel actegel coguel. Na Cisulc utebludacnemel ewigasigel Baibel ictuc; ac agenudasic tan teliigenemulcus Cisulcwa.

Na ekces niganicijijetegiwinuok teluisitok Muiso. Loc sabewitok ac nestuegok na. Na neucte nagwec Cisulc telimabenn Muiso: Jicsetui, apcisintes eda mactewoluc ictuc, culaman mimajuinuc nudidak n'celulana; ac actlamsitultak yapjua. Api telimajel: eliya, telimadecs mimajuinuc; elajicw, ciscajolticw mesocu n'sugunaga. N'sugunac meswinisisaidau Acjiscamau cecudenuc pamdan ictuc, teluisic Sinea; m'sit mimajuinuc nemiadak.

Na nesugunac wopc cactugwac ac wosogwedesc, ac mactewoluc cecudenuc pamdan ictuc ekc, ac macicisudenaje cesidewidac, ac m'sit mimajuinuc nencedesultijic wigwau ictuc. Tocu

[Halifax, 1650]

tuju Muis wejalaji mimajuinu wigwola, unajia-suguanau Cisulcula. Negemau cacamultijic apcewaguga.

Na cacaintludewit tan telcic pamdana, mada Acjisacamau wejiniasit wasoc buctewictuc cecudenec pamdan ictuc. N'tludau eliac cecwec telamuc stege n'tludau mescic buctau. Ac pamdan loc nencibusit. Na tan tilisip macicisudenajc pegitcowec ac pemiajicsigauwec, pemiajicsigauwec, Mues celusit ac Cisulc asetegelulajel. Na Muis ac m'sit tan tesidij wigamak, cacaiyis bituimtelnacaniijic, jinamuc, ac ebijic, ac mijuajijca, nuduadijel Cisulcul uscumcunaua, ac utigenamagunau utebludacnem. Na teliigenamuaji neucte m'sit weni tan telcic usitcamuga, utebludacenem. Amuj telitpludamulcus cinua. Na neuctinscagel utebludacenn ula tet ewigasigel:

NEUCTINSCAGEL UTPLUDACNN.

Cisulc ejel m'sit ugela celuswöcnn, et: Nin Acjisacamau acisulcum na, tan wejalulep macamigecw teluisic Ijpt:

I. Mu cuscweuau mej actegic cesulcuc nuscaluc.

II. Mu actlucwodemasiu elnuoctau, cisna tan cogue telamuc stege cogue wasoc acpedaäic teleya, cisna macamigec ebunec, cisna sabugwonictuc apcewec macamigega. Mu acjituamcwasiu ugula, cisna mu actelugwauwau: mada Nin Acjisacamau acisulcum wiscuidasi Cesulc na; etlimitugwodamann ujuok uteluwewudiwol unjanuauictuc, misocu sist ac neu ancualuj tesunemicsijic, tanic macscelamijic; ac etliculidelamcic bituimtelnacaniijic tanic cesalijic ac wejicwsodemidijal n'tebludacnn.

III. Acjisacamau acisulcum uwisunemi mu cusuaduau seca. Mada ma Acjisacamau uscweuagul wocameilin tanel weswadaj uwisunem seca.

IV. Atlasmudigiscec migwideden apesti-ewaduna. Asucamtesugunac lugwedecs, ac m'sit actlugowocn lucwotecs. Cadu eluiganagawe nagwec Acjisacamau acisulcum utatlas-mudigiscam na. Na nagwec mu actelugwau; cil, cisna acwis, cisna actus, cisna canocabem, cisna canocabemiscw, cisna actuemc, cisna acpiluream tan acagenadasigem tebiuk ekc. Mada asucamtesugunac Cisulc cacaicisidocsep wasoc ac macamigau, ac acjigam, ac m'sit tesigel coguel tanel tebiuk ekcel. Ac eluiganacawe nagwec atlas mip. Na ujit weladocsep atlas mudigiscec, ac pestiewadocsep.

V. Acpemidelam cuj, ac acij: culaman apci-dausidecs macamigec tan Acjisacamau acisulcum igenemasc.

VI. Muc nabadegau.

VII. Cigamaj muct eubelalau.

VIII. Mu camutenau.

IX. Muc pilsimau cigamaja.

X. Muc pawotamuau cigamaj wic. Muc pawotamuau cigamaj utebitemel; cisna unocabemel; cisna unocabemiscwamel; cisna wedabedemel; cisna ujegasemel; cisna cogue tan cigamaj wedaligamit.

Ajcinetut, jiptuc mectamudiyok. Jiptuc telidasultiyok ecsuogen na. Cadu mogwe. Teliac m'sita. Wejidudoksep ula agenudemocn Baibel ictuc; amuj eda, actbaibelemuau ictuc, tan telialasudamadiyok cilaua, ac elp wejidudoksep n'tbaibeleminen ictuc, tan telialasudamadiyec ninena. Ewigasic tan tet teluisic Ecsodas,

japtal m'tilnewe jel pescunadec, ac tabuinscagewe. (Exodus chap. 19 and 20.)

Ajcinetut, negula Baibel, tan widam, Cisule ewigasicsep: encuj Glicawisimca. Cadu me mena igenemuluok cilau elnultiyok. Mogwe ciwonscisinuc acsidunau ictuc, pasac cijca. Na ujit mu cejduok tan Cisulew cacaiagenudamulcw, ac tan teblumulcw. Na depcadic acedlamsitamanenu m'sit tan Cisule telcitas. Cadu talicisictlamsitamudidacsanu mu acjijiducw? Ac taliajcanes m'sit wen utuscodaman Cisule celule uceluswoen? ac uciscidaman? Cisule mogwe cisiecsimsicw; mogwe cespucwalagwi eulejultiliji elnultiliji. Cesalulcw, welalulcw, eulidelemulcw; na ujit teliigenamulcw uceluswoen Baibel ictuc. Teluet Cisule uceluswoen cisicinudemulcw tan telieksetadidacsenu.

Na Baibel teluec m'sit cinu segwiscadugwecw Cisule utebludacnem. Cadu Cisulew mauulidedeget, ac mu ceduilgemulucw manduagiga. Ac negem telicsalaji mimajuinu usitcamuga, elcimabenn neuctebistabunn ucwisel culaman m'sit wen tan cedlamsituajel, ma acsagac, cadu uscodau yapju uscijinudi, ac yapju ulodi, wasoga. Na Cisulew ucwisel, Eujit Nicscam na, tan elnuasis; Sesu, Guli teluisit. Nicscamewit na. Pegisincas usitcamuc, elnuasis ujit najuksetaulcwecw cinu negula eluwewudictuc mestactabaicgwecw. Mu elnuasisibenn m'sit eda ba manduagic elidaigubenn. Negem wescijinuis, mimajis, pemigis, elucwotcas, eulejis, wenmajidasis; ac celabis clujiauktos, nepcas ujit cinua acteluwewudinua. Sistewe nagwec minunsis; celabis wenagasis, elemics wasoc, ac ebasis Ujel utinacanc. Ala yapju eulidelimulcw, alasudamelseulcw. Nujuksetauwiget na. Apswede-

damucw acteluwewudinua, ac actlamsitamucw utinin ictuc, usetaulcudau.

Na, ajcinetut, agenudemulok cijca net uliagenudemocn tan apostalewiji, Sese Guli unocabeme agenudemulwicw, Baibel ictuc, tan telimulwic Sese Gulial telalasa. Migwidedamucw mu atucwoen, mu mijuajijwe papidocn tan nigej wescudamucw. Ancodamanej toc mu na acpepsaptamanenu. Meluij tamanej Canicscaminu nigej tilisip cacainicscumadagunenu escamanac acamlamuninac iganuga. Telidasultinej, inej, agai! apjuuleigubenn m'sit tan tesidij acjijacamijnaca!

TELUKSCIJINUIS SESU GULL.

"Na ansalewit Gubliel wejilgimut Cisulc-wictuc, acjiganc teluisic Nasalit, Galaliictuc, utelien nocscwelijel eyamalijel, tanel cedumaliwilijel jinamul teluisilijel Sosepel; tele Dabidec wedabecsilijel. Nocscwet teluisit Mali. Ac ansalewit piscwat eyamalij, et: cwe! cil tan cisiulalucsin! Acjisacamau tegweasc. Madogwolcusidacs ebitewictuga. Na Mali nemiaj, wejiunmajidasit uceluswocnama; ancidetc tan telamuc ula wescagaltimca. Ansalewit elajel: Mu acwegwodasiu, Mali; wejiwejidun welaltimcewe Cisulcuictuc. Nenes-tauwedacs, eda, ac ucwisidacs, ac teluidadacs Sesus. Ac elp teluidaden Mauiespec Cisulcw ucwisel; ac Acjisacamau Cisulc igenemuadal ujel Dabidal eligewitewe ucudpudima, ac elp elegewitawidau yapju Sacauel wica; ac uteligitewitudim ma cespianuc.

Tocu Mali elajel ansalewilijel: Taligiscajiedau egula, tan ocuj mogwe jinam cejiac. Asedabuguet ansalewit, elajel: Wejuli Nicscam

mescadescultau, ac elp Mauiespec Cisule umal-
gigenodim acjigadadultau. Na ujit egula sabewit
mijujij tan ujukscijinuidau actinin, teluidaden
Cisule ucwisel. Ac, eda, cil acamagudiyok
Elisebet ceduscwaiuajel ucwisel, tan telicisi-
guiscwoija; ac ula asucamawe udepcanusetamel,
tan teluidut mu ceseunjanicw. Mada mogwe
cogue tan Cisule mesigucw.

Tocu Mali et: N'sacamam, ancami, canoca-
hemiscwamel: teliaj stege aceluswocnam. Na
poc tamcasit ansalewit." (Luke I., 26—38.)

"Na Sosep wejtcujuat Galaliictuc, acjeganc
teluisic Naselet, eliet Sudiaca, Dabidal ujiga-
namca, tan teluisic Betlem; mada tele Dabidec
wedabecsit; eliet ujit utwisunam utwigasin
wigadigenictuc; ac wijedidijel Malial tanel
ceduimaliewidijel, nenestauwelijel. Na tan
tilisip ala eyamidij tetpagac igac Mali umijua-
jijamina. Ac amscwesawel ucwisel wesciji-
nuilijel, ac tetpogwalajel ac igalajel tan tet
waisisc ebatcwodalultidija; mada mu weliewe-
genuc pitapogwome utimanaua.

Na ula macamigega jijceluenji nujeuji
eyamudijic memcega, ethancweuadiji depcic
mauegic uwaisisampma. Tocu Acjisacamau
utansalemel igalijel eyamidija, ac Nicscam
ubactadegem ciuktogabactadec eyamidija, ac
loc wegwodasultijic. Tocu ansalewit elaji:
Muc wegwodasultip; mada nin peduliagenu-
demulok mescic ulidasudi, tan igadau actinine-
woka, ac m'sit mimajuinuictuga. Mada ujit
cilau wescijinuit ciscuc Nujuksetauwiget, Dabid
ujiganamca, Acjisacamau Clistewit na. Ac ula
ceginugwosudi ujit cilaua. Wejiadoksep mijua-
jij tetpogwadasit, ac elisinc tan tet waisisc
ebatcwodalultidija.

Tocu encasau tegweuadijel ansalewilijel maupegwelcic ansalewijic, wasogawe n'tabluc, etlemuiwoladijel Cisulcul, teluejic ; Telicpamin-siducsij Cisulc mauiespec wasoga ; ancuomic usitcamuga. Welaltimcewe mimajuinuctuc.

Na ciscaladidec, elidadidec ansalewitcic wasoga, telimultijic jinamuc tanic jicelueuji nujeuadiji : Lidanej telibesuc Betaniga ; ancap-tamanej ula cogue tan cisadasic, tan Cisulc telicanuadulcwa. Na nocsipejidajic, ac wejiadijel Malial ac Sosepal, ac mijuajijel elisilnijel tan tet waisisc ebatcwodalultidija. Cisinemiadij, agenudemudijic agenudemacn tan cisitelimuj ujit ula mijuajijela. Ac tanic m'sit nudamadij pacalastamidij telimcwidija jicelueuji nujeuadiji. Cadu Mali ancotcel m'sit negula coguel ac acidetcel ucwomlamunca.

Tocu apscwedajic jicelueuji nujeuaji, etlic-pemidelimadij, etlimuiwoladijel Ciculcul, ujit m'sit egula tanel cisinudamidijel, ac cisinamidu-didijel, stege ansalewitcic telimadipa.

Na ugamuljin cis tesugunac pegwonesadijelijel mijuajijel, ac wisunceut Sesus, tan wejiteliwisun-ceutep ansalewilijel cescamanac eyamugwec ucwijel utlamilugz." (Luke, chap. II., 4—21.)

Na, ajeinetut, teliuksijinuis Sese Guli. Na pemigis. Nesinscegebunaj baptaisewalus, ac bocjipseduncus. Eulejis, atcigenasis, siauyu cewisincas, cedusamucwos, ac wenmajidasis. Alasis mimajuinuctuc, apjiulodeget, ceginudamuoji mimajuinua ; welalaji eulejutiliji ; nebilaji acsinugowinua. Na siauyu pestuncas. Encuj upestunamageweamal wescodamugel Baibal ictuc. Apostalewitcic ewicamidip. Neuctej negula na :

(Luke XV.) "Na m'sit wenic nujimauadacadijic eligewitewe sulewea, ac m'sit tanic winmadudijic, wejuauidadijelijel Sesusel, ceduijicsetuadijelijel. Toeu Palasiak ac Nujiwigagedijic amselabuguejic, teluejic : Ut jinam weswalaji

padadegewinu, ac wibumaji. Na Sesus peslu-
duaji, et: Wen elnu cilau tan wescweuaji
cascimtalnacniliji ujijcelueujampma, ac cescalida
neuctejilida, mu na bunalagwi pescunadactesins-
cacsiliji jel pescunadac boctacam ictuc ac mu
eliecw, ac cwiluagul ula cescalijel? Na wejiaj,
utulmacnac cecwalajel, ac mauulidasit. Pegisinc
wic, mauicwimaji wigamak ac ututem, telimaji:
mauulidasultinej, mada wejic n'ijicelueujem tan
cescaba. Na telimulok ulidasudi wasoc ekc,
ujit neuctejit padadegewinu tan wejiapscwedetc
uteluwewudela.

Ac wen ebit tan wescotcel neuctinscagadigel
suliewel; ac educ neuctej entoc, mu sacsigwe-
semuc wosogunamacn, ac peumuc wenjigwom,
ac cwilamuc misocu wejidoc? Wejidoc mau-
icwimaji wijiebiliji ac wijiuktutemiscwa, elaji,
mauiulidasultinej, mada wejidu net neuctej
sulieweam tan cescagap. Na encude wegula
teliulidasultijic Cisulc utansalempma ujit neucte-
jit padadegewinu tan tilisip cisi apscwedetc
uteluwewudila.

Tocu Sesus et, Elnu ekcas tabuselibeni
ucwisa. Maljewejujic elajel ujel, nu igenemui
n'tatcanwoenam cil actaligama. Tocu cisigu
atcanaji cite ucwisa umimajuocnama. Na
celabis cisitcelugunac maljewejujic ucwis mau-
adoc m'sita, poctamcasit, eliet amasec maca-
migaua, ac ala tet emegotc utaligam tan
teliausamiulimimajija.

Na tan tilisip cisi emegotc m'sita, meduec
auwisadamc igac ula macamigega. Tocu ula
albadu bocjicacanamamat. Na eliet, tocumadijel
tanel wenel etligelijel ula umatciga, ac negem
elcimajel albadul memcegama unusemalin cul-
wisa. Tocu pawotc ujujuadun umusti sigusca-

dacnn tanel culcwise malcodamidijel. Ac mauwen igenemuoc.

Na negem igac cocwojancidetc, telimsit : Tasijic nuj unocabemc megenemidij mijipjewea ac piamiak, ac nin etliaptacene. Camasides, eliedes nujiga ; telimades : Nu, padaduep wasoc, ac padadulep. Mu depcadinuc acteluidelin acwisa. Telali stege neuctejit abancedujic canocabemca.

Na cacamasit, pegisincel ujel. Na igaj cenec ujel nemijel, ac eulidelamjel ; pocjibit, asuguajel ucwisel, ac ogelemcwedesincel utogeluwocnaga, ac wescagelemajel. Tocu albadu elajel : Nu, padaduep wasoc, ac padadulep. Mogwe depcadinuc acteluidelin acwisel. Cadu ujel telimji unocabem : jugwaducw tan mauicelule utucwona, ac asunodalucw. Nasaducw asogadacn upitnca, ac nasaducw wenjucsenanc ucwotca, ac jugwalucw nigamudasit wenjudiamuj, ac nebocw. Mijisultinej, ac usegewidasultinej : mada net ula n'cwis nepcap ac ebijibet, cescap, ac wejut. Na bocjiuksegewidasultijie.

Na cisiguilijel ucwisel megectuc eyamalijel. Na wejcutiej, pegisinc cwaiijc wenjigwomc, ac nuduaji wedaupipugudeliji, ac wedauamalcaldiliji. Tocu wigumajel neuctejilijel unocabemel, pibanimajel : Talegel weget ? Telimajel : Acjigenam pegisinc, ac cuj nebajel nigamudasilijel wenjudiamujel ujit negema, mada weswala-jel weljajigelijel. Na wigaiic, ac mu cedupiscwacw. Tocu ujel tewielijel, elielijel tan ekca, munsamajel upiscwalina. Cadu asidemajel, elajel ujel : Nu, elugwauul cis tesibuncec, ac me mena elistulu. Cadu me mena igenemuian tebaljajij ukjiusegewidasultinen nigamaka. Cec-tuc telincasaiiu net ula acwis pegisinc, tan malcotcep acmimajuocnam tan tegweuabeni

winsultiliji ebiliji, cil nebat ujit negem wenjudiamuj nigamudasita. Na ujel eljel : N'cwis, yapju tegweadiew, ac tan tesac n'taligam cil actaligam na. Welcadic culidaswolenenu, ac acsegewidaswolenenu ; mada net acjigenam nepcap ac ebijibet, cescap, ac wejut."

(JOHN III.) "Na jinam ekcas, teluisis Nicodimas, nujt-pludeges na Leswibewictuc. Negem pegesincas Sesusel eyamalij depciga ; elasenn : Sacamau, cejulec acnujicinamuen wejien Cisulcuictuc. Mada mauwen cisiteladugel wegula mescigel coguel tanel cil cisidunel, Cisulcw mu utcweuoja. Sesus asitegelulajel, elajel : Teliac, teliac, tan telimul, tan wen. nu ukscijinuij apa, ma cisinemiduc Cisul uteligewagima. Elajel Nicodimas : Talicisukscijinuis wen cisiguija ? Cisipijasis ap ucwijel utlamituc, ac telukscijinuis ? Sesus asitegelulajel, elajel : Teliac, teliac, tan telimul, mu ujukscijinuis wen sabugwon ac Wejuliniescam, ma cisipis-cwacw Cisulcul uteligewagimca. Tan cogue wejukscijinuic wagai, wagai na ; ac tan cogue wejukscijinuic ujjacamij, ujjacamij na. Mu pacalastemu tan telimul, amuj depcadic cilau cuscijinultinau apja. Ukjusen wejusec tan pasac telidetc, ac cil nudaman ucusidauidoctan, cadu mu cejidun tan tet wejiac, cisna tan tet eliac. Na telec m'sit wen tan wejukscijinuijel Wejuliniescamel. Asitegelulajel Nicodimas, elajel : Talicisiciscajagel weget coguela ? Sesus asitegelulajel, elajel : Cil to nujicinamuen Islel ictuc, ac mu weget cejidunel coguela ? Teliac, teliac, tan telimul, tan cejiduec wesudemec, ac tan nemiduec wejiwitnisewiec ; ac cilau nu weswaduok n'teluwidamasudinena. Mu actlamsitemudiuk wejuksciwimulok tan usitcamuc telec, talicisictlamsitocsep tan teliuks-cwimulok tan wasoc telec ? Mauwen elnepsasigep wasoga, pasac negem tan wejunisasip wasoga ; aiej, Elnu ucwisel tan ekc wasoga.

Ac stege Muiso cecwalabenn m'tescam boctacem ictuc, na amuj telicecwaladen Elnu ucwisel, culaman tan wen cedlamsite utininca, ma unmajinpucw, cadu auna utuscodaman yapju mimajuocna.

Mada Cisulcw telicsatcas usitcamua, igenemnidocsibenn neuctebistabenn ucwisel, culaman m'sit wen tan cedlamsite utininca ma unmajinpucw cadu utuscodaman yapju mimajuwoca. Mada Nicseam mu elcimagubenn ucwisel usitcamuga ujit utilsudamalin usitcamua ; cadu elcimabenn culaman usitcamu ujujetauian negem utininca. Tan cedlamsite utininca mu cisumat ; cadu tan nu cedlamsitamuc utininca,

nigej cisumut, mada mu cedlamsituagul Nicscam neuctebistajel ucwisel. Ac na utlsudacnamuwol, mada wosogwec igagep usitcamuga, ac mimajuinuc ajicsademidip bogenitpac muen-cude wosegwega; mada ucwisidacnemuwoyel mu celultinuga-benigul. Mada m'sit wen tan winadeget mu cesademuc wosogwega, ac mu pegisinuc wosogwec ictuc, culaman mu pawotamuc ujiptagiman ucwisidacnemel. Cadu tan cedlewele teladogel pegisinc tan wosogwec ekc, ujit ucujidasin-ucwisidacnemel wejicidasigel Cisulcuictuc."

(LUKE XXII.) "Na wigabaltimc, pibenocn mogwe abidasinuc, ceduigac, teluisc Pagewimc, aiej, Siauadimc. Tocu acjipadliasc ac nujuwiggedijic elgwiluidedemidij tan telicisinebadaka; mada jipaladiji mimajuinua. Tocu mendu-pijasijel Sudahal utinica, teluisilijel Iscalitol. Na negem neuctejit weget neuctinscaesijic jel tabusijic apostalewujic. Tocu Sudah poctamcasit, agenudemuaji acjipadliasa, ac ceptinaa, tan teluiscinualadala Negemau welidasultijic, ac cisagenudemajic utigenemucnau suliewea. Na Sudah cisagenudemat, tocu elgwilc tan telicisicinaladala, tan tilisip pigwelimauegic mogwe imudidis.

Tocu tilisip igac pibenocn mu abidadasinuc unagwegem, tan pagewimcewe jicelueujic ceduinebot. Tocu Sesus elcimaji Pielal, ac Sanel, elaji, eladicw! najiiladucw pagewimc tan telimalcotacsanu. Eladijel: Tami tet welidedaman n'tiladunena? Telimaji: Tilisip, eda, piscwadiyok acjiganca, jinam uldescuadocsep, pemabilajel n'canabocsuna, wøjubelijel sabugwona. Majulcwoladocsep wenjigwomc tan piscwaidou. Ac telimadocsep alsusit wenjigwom; tami wigabaltimcewe poctascasic? tan tet mauimalcodacsanu pagewimc tanic ceginamagic? Tocu neyaduloktau mescic cecwec poctascasic, welsagasica. Ala tet iladucw pagewimca.

Tocu poctamcadijic, wejitudij tan telimapa; ac iladudij pagewimca. Na tetpagac igaj, ebasit Sesus, ac neuinscecsijic jel tabusijic apostalewujic mauipidadijel. Tocu elaji: Loc menwegeep n'wibimulinau ula pagewimc, cescamu wenmajewa Cadu telimulok ma malcodemu apja, misocu cacaiciscajiac Cisulcw uteligewagimca. Tocu weswalajel n'canipsamun, ac muiwet; tocu et: Suaducw ut, ac mauiatcanasulticw! Mada telimulok ma ujnsamugwau minijcel cegadugwejel misocu Cisulcw utlegewitewudim igadau. Tocu weswadoc pibenocn, muiwet, segwiscibnegadoc, tocu igenemuaji, et: Na n'tinin, tan igenemuedasic ujit cilaua. Na teladacadiw n'migwidedamceweam ictuc. Ac neucte teliuksualajel n'canipsamun cis welogwodalultimca, et: Ula n'canipsamun pile cisagenudamampcewe na, n'maldem ictuc, tan wejicudasic cilau actinewoka. Cadu, jicsetuicw, tan ceginualit

upitn bataludictuc tegweuit. Amuj Elnu ucwisel telipcotamcasit stege tan teliciscajadasic. Cadu unmajodacn igadau negula mimajuinu utininc, tan wejicinalut. Tocu pocjipibanimultijic tegen negemau ceduteladegej negula coguea. Ac elp cwejiwegwamadultijic tegen tan cedupiamiespedaua. Tocu Sesus elaji : Actagictesuncmicsijic utelgemuok alsusultijic utinewaka : ac usacamamuok teluwedujc nujinaduodacadijic. Cadu cilau mu teloltiuok. Cadu tan cilau piamiespec, telej stegej piaminutwec, ac tan sacamaualut, stegej wencabemit. Cadu tegen to piamicpemeec ? tan etladalc ? cisna tan nudabilasit ? Cadu nin tegweulok stege n'nudabilasina. Cadu cilau tegweuiogep n'cwejaltimecweamel ictuc, ac ciscajadulok eligewitewudi, stuge nuj ciscajaduip : actmijisultinau, ac acnesamugoltinau, n'bataludimca, n'telegewaginca ; ac acpultinau eligewitewel cudpudila, ac actilsunanau mctlasunemicsijic jel tabu, tanic Islelec wedabecsijic.

Tocu Sacamau Sesus et : Simu, Simu, mendu, eda edauwep casweaguna, actelbuscalugun stege culumcul. Cadu alasudemelseulep actlamsituocnam mu ucacayana. Ac tan tilisip ciwonscalulten, mulgigenaladacs wijgedultiyoka. Simu Piel elajel : Sacamau, ciscajei acwijedinenu lapolis ictuc ac n'puwocn ictuc. Sesus elajel : Telimul, Piel, cigeligwej ma actuc ciscuc, cescamanac cil sist mimugwodudacs actnenuina. Ac elp telimaji : tan tilisip elcimulogep, ac mu wescodemu diuogep sulieweec, cisna mundiee, cisna wenjucsenunn, pawotemudiyoksep coguwa ? Telimadjel, mogwe. Alaji, cadu nigej negem tan wescote sulieweecamudi, usuaduj ; ac elp mundi, ac tan wen mu cecunamuc espugwosic, n'tuisceduj utucwon ac apcwodelj espugwosic. Miada telimulok negula tan ewigasie cisidasidau n'tinin ictuc ; aiej, wiacidasidau padadacadilijia. Mada m'sit coguel ntinincel ewigasigel, ciscajadal. Telimadjel : N'sacamamenen, ula tabugel espugwosigel edegel. Elaji : Tebiac.

Na tewiet, eliet tan tet elntawagadoc uteliena, aiej pamdan ictuc, teluisic Olibie, ac cegmudamujic majulcwoladijel. Na igaj nadel, elaji : Alasudemadicw, mu actiganau asintimcewe ictuc. Tocu nacalaji, eliet telibesuc cundau tan legenesa, ac emuteulibuguasit, alasudemat, et : Nuj, ulidedeman, eda ujijigeladu n'tinin net canipsamun. Cadu mu telianuj tan nin welidedem, cadu tan cil welidedemau, telhaj. Na ansalewit wasoc wejiet, etlimeswasit Sesus eyemalij, etlimalgigenewalajel.

Na loc wenmajec, ac wejiajmalgialasudemat ; ac utegeneudil telamugel stege jnpagontescul maldau, nisiagel macamigega.

Na wejunagasij alasudemamca, pegisinc ceginudemuoji eyainudiliu, ac wejiaji nebadiliseniga telimsagadasultilisniga. Alaji, cogue wejinebadiyok? Namjidacw! alasudemadicw, mu actiganau asintimcewe ictuc! Na tilisip etliwistoc maupigwelcic jinamuc pejidajic, ac negem tan teluisit Sudah, neuctejit negula neuctinscecsijic apostalewijic jel tabusijic, egentescuaji, ac pegisincel Sesusel najuksegagelemajel. Cadu Sesus elajel: Sudah, wejicinualat Elnu ucwisel wescagelsudictuc? Na egula tanic cuktogubuguduadijel, nemidudidij tan ceduiteliciscajiaca, eladijel: N'Sacamamenin, wejitcamcujic espugwosic ictugu? Ac neuctejit negemau tacamajel neuctejilijel acjipadlias unocebemel, ac mentemuoji inacene usituocna. Sesus asidebuguet, et: Asidedemucw telibesuc. Tocu samaduoji usituocn, nebitemuoji. Tocu tuju Sesus elaji egula acjipadlias tani pejidaliji, ac samaganis, tanic telegic acjialasudemogwom, ac cisiguobak, telipejidayok stege actuiocwalanau camutenesa? na wejicecunamudiyogel espugwosigel, ac camujel? Tesigiscuc tegweulogep acjialasudemogwomca, ac mu sibinscedauogep camsininau. Cadu nige tetpagac acteladacadinaua, ac bogenitpac umalgigenodim.

Tocu tuju cocwaladijel, elaladijel acjipadliaswictuga. Piel majulcwolajel cenecela.

Na atasadudij buctau mogigwomc poctascasiga, ac wejuau maupiadijic, ac Piel witpiduaji. Na ebites nemiajel ebilijel wejuau buctau; ancamaaj, et: Ut jinam tegweuabenn. Ac Piel mimugwosit et: Ebit, mu cejiac. Na mu pegijenuc actec nemiajel Pielal, ac et: Cil neuctejit negemaua. Piel elajel: jinam, mogwe! Na celabis educ neuctajiej actec melcigelusit, teluet: Cedlewe ictuc ut jinam tegweadidibenn, mada Galiliewaj na. Tocu Piel et: Jinam, mu cejulu tan cogue wescudaman. Tocu tuju cigeligwej ceduc. Tocu ciwonscasit, acsacamaminu, ancamaajel Pielala. Ac Piel migwidetc Sacamal uceluswocnem, tan telimabenn: Cescamanac cigeligwej actuc, cil mimugwolidacs sesta. Tocu tewet Piel, loc cesiatcidemit.

Na jinamuc tanic celnadijel Sesusel, maligemadijel, ac tacamadijel. Ocunocupiladijel egascwigwedadijel, pibanimadijel, eladijel: Niganiagenuden! Wen tacamasc? Ac pegwelcel winjigel celuswocna igenemuadijel.

Na wope ecsitpuc nujitpludacadijic mauidajic, aiej, acjipadliasc, ac nujewigagedijic, eligaldacnadijel tan elitpludacadijia. Teluejic: Cil Clistewin? Telimidesinen! Elaji: Telimulok, ma asidemiouk, ac ma asidelimiouk n'poctamcasina. Elmigenic Elnu ucwisel basidau Cisulc umalgigenodim utinaganc. Tocu m'sit teluejic: Cil na Cisulc ucwisel? Telimaji, teliak teluwayok; mada nin na. Tocu teluejic:

Talimenwegaiyec eluwidamasudi meja ? mada wejinudamugup negem utunca.”

(LUKE, Chap. XXIII.) “Na mauipigwelcic cacamidajic, pemigaldacnadijel Pilatel eyamali. Bocjuinuscumadijel Sesusel, teluejic : Wejigat ut jinam camidudelaji, tan telimilagudemalija, ac wetculaji weni utigenemuonau eligewitewe suliewea Sisalala, ac telimaji, Negem uclistewin ac uteligewina. Tocu Pilat pibanimajel, elajel : Cil Leswibak uteligemuol’. Sesus asidemajel, elajel : teliac teluena. Tocu elaji Pilat acjipadlias ac mauipigwelniji ; Mogwe wejidu padasudi ut jinam utinınca. Cadu melcigelusultijic, teluejic : Camidudelaji mimajuinua, ciginudamuoji m’sit nadami Sudiaictuc, wejadegemp Galili mesocu ula tet. Na Pilat nudamaj Galali, pibanimaji. Galaliewaj na ? Na tan tilisip cejajel utelein Helot utalsusudictuc, elcimajel tan Helot ekca. Helot²ekc tilisip Salusalema. Na Helot nemiaj Sesusel, loc welidasit ; mada sac cis pawotc unmiana, mada wejipigwelinudamaj utinınca, ac ajipjudoc unmian mescic cogue ujicwisadasic utiniaca. Tocu cacaiyisimilipibanimajel. Cadu Sesus mogwej asidemagul. Ac acjipadliasc ac nujiwigagedijic, cacamultijic, ac loc winimadijel, cesicacaiyisimilimadijel. Ac Helot ac usamaganisam cwejintagimadijel, ac maligimadijel, nasaduadij utucwon boctastec, ac apscwiabugwedudijel Pilat eyamalijel. Na ula nagwec Pilat ac Helot abicsistadijic, mada tumc eubeliebenic.

Tocu Pilat mauiwigumaji acjipadliasa, ac usacamamuok, ac mimajuinua, elaji : Telipcisulok tan eyam ut jinam ujit ucamidudalan mimajuinua ; cadu, ancaptamuc, cisitogemajeac cuscaluok, ac mogwe wejidu ut jinam utinınca padasudi tan wejitelicacaiyisimilimoka. Ac elp amuj Helot mogwe : mada eliabugweduep actintewauok Helodiga, ac, ancaptamucw, mogwe cogue teliganugwasic utepcadin unebana. Na ujit unmajicinamuodes, ac bunalades. Mada ejelec mu utigenuon neuctejilijel cistejul tan teliwigabaltimca. Tocu m’sit cesigauscudijic, teluejic : Jigalal ula jinam, ac igenemuidesinen Balaba.

Na Balaba wejiukjipijalus lapolisun ujit mescic sespenac acjiganca, ac elp ujit nebadegemca. Na Pilat apj celulaji mada pawotc ubunalalina. Cadu cesigauscudijic, teluejic. Clujiaukcte ! clujiaukcte ! Cadu sestewe elaji : Cogue to padadoc ? Mogwe wejidu padasudi utinınca tan ujinpasa. Unmajicinamuodes, bunalades. Tocu atcigenedajic uescudinaua, edamadijel uclujjoukctasilina ; ac uceluswocnamuwol, ac acjipadliasc uceluswocnamuol ajimalgigenagel. Tocu Pilat teblutc, uteladasin tan telidedemidija. Ac bunalajel

ujit negemau tanel cisiukjipijalujel laplisunca ujit nebadul-
timca, tanel menwegedijela ; cadu igenemoj Sesus utelalanou
tan telidedemidija. Na tan telipenguadij cocwaladijel jinamul
teluisilijel Simuel, wejielijel wenjigwomewecadi, etligilijel
Silinia, ac clujiewe cecwaduadij utelmacnega, upemnigada-
malin udec Sesusela.

Na majulcwoladijelijel Sesusel mauipigwelcie mimajuinuc, ac
ebijic, tanic acayemtamudijic; ac mewimadijelijel. Cadu Sesus
ciwonscasit ac elaji : Cilau Sesusalem utus, muc muwiminan,
cadu muwimsulticw ! ac muwimadoksep cenijinuok ! Mada
nagwegel igadal tan tilisip teluwidak : welalujic ebijic tanic
inu wenjanultigwa, ac tanic mina nundligwi mijuajjica !
Tocu apcojitelimadak pamdantna, alnisiadicw n'tin:naka ! ac
telimaduak nemacamigegela, ancunein ! Cadu teladudidij
ugela coguel elscigunic camuj ictuc, cogue teladasidau ces-
padec camuj ictuc ?

Na ap actegic padadegewinuc teliwijipemgujic najinebojic.
Na pejidadij nadel tan tet teluisic Usagatp, na tet etligelu-
jiauktadijelijel, ac elp padadegewinu, neuctejit inacenege, ac
actec padadujcela. Tocu Sesues et : Nuj, abisicetu utelu-
wewudewola ! mada mogwe cejdudicw tan teladacadidija !
Na atcenasultidijelijel utucwonn, ac elacadijelijel.

Na mimajuinuc cacamultijic, ancaptacadijelijel, ac elp usaca-
mamook tegweuadijelijel. Maligemadijelijel Sesusel, teluejic :
Westauiabeni actegi ! ce ! usetauisij, clistewij, wejiminasinuj
Cisulcuictuc. Ac samagenisc maligemadijelijel, etlipejidadijelijel,
ac ceduigenemuadij telnegeleweca. Ac elp teluejic : Cil
Leswibewictuc telimauieligewitewin, usetauisidacs.

Na acpadaiiigel utinınca negula ewigasic, Leswipewisimca,
Glicewisimca, ac Lateniewisimca : **LESWIBAK UTELEGEMUOL.**
Na neuctejit padadegewinu tan wijicestunepilujic, winimajelijel
Sesusel, elajelijel, Clistewin, educ, usetauisi ; ac usetauidesinen !
Cadu actec asetegelulajelijel, petcimajelijel, elajelijel : Mu jipalaut
Cisulc, tan neucte tehilsudamulok ? Ac amuj mu cespug-
walnucw cenua, mada pegwodasicw tan teleigwa, pasue
wejiuliabancadulcw acisidacnemu. Cectuc ut jinam mina
padaducw. Tocu elajelijel Sesusel : N'sacamam, nuidelimidacs,
tan acteligewagimc ciscatpasin ! Sesus telimasnn, cedel ba
telimul ciscuc wasoc lujjedacsanu.

Na educ miaulagwej, ac bogenitpac igac tan telcie maca-
migaua, misocu sestajelijel. Ac nagosit bogenitpagasit,
acjialasudemogwom uteligepilacnam nauksincinac wejadegemo
cecwec misocu apcewega. Tocu Sesus cesisgausescwet, et,
Nuj ! n'jijacamij igalac acpitenca ! Teluej, egulamit.

Na capitin nemedoc tan teliciscajiac, na ba cepmidelimajelijel
Cisulcul, et : Cedel ba sabewit jinam na. Ac mauipigwelcie

tanic cispemimauidajic unmidunau egula coguela, nemidudidij tan ciscajiac, tactamidijel upuscunuwol, ac apscwedajic. Ac m'sit tanic wejimajulwoladibenn Sesusel Galeliictuc, cacamultijic cenecele, etliancaptemidijel egula coguela.

Na jinam teluisit Sosep, nujitpludeget na, welmadoc jinam, ac sabewit, tan mogwe welidedemugup tan actegic telitpludamidipa, ac tan teladacadidipa, Alimatia tele, Leswebak ucjiganamau, ac negem etliscibedoc Cisulcw uteligewagimca. Ula jinam pegisinc Pilat eyamalij edauwejel Sesusel utininca. Tocu nisadoc, tetpegadoc atlawegen ictuga, pijadoc utcudacn ictuc, tan elsactasigep cundewictuga, tan tet mauwen igalus. Na nagwec etliiladamcewe nagwec na, ac atlasmdigiscuc ceduigac. Na ebijic tanic pejiwijewadibenn Sesusel Galaliictuc, majulwoladijel, ac nemidudij utcudacn, ac tan telipijadasic m'tinina. Tocu apscwedajic, ac iladudijel milimagewel, ac amacainsudi ; ac atlasmultijic atlasmdigiscega, tan utubludacn telcitca."

Sesus, Acjinicscam, tan wasoc ebit,

Nisasp usitcamuc wescijinuit.

Ansalewijic cedabegiadijic,

Ac jinamuc wejiulidasultijic.

Acjinicscam ujit cinu elnuasis ;

Eulejis usitcamuc, wenmajidasis.

Uclujieweam teliamascwibelnus,

Minunsis, wasoc wenagasis Sesus.

Nigej tesigiscuc nenwidelimulc,

Cesalulc, ac elp alasudemelseulc.

Eulidelemulc, ac abogenemulc ;

Sabewudi ac ulodi igenemulc.

Sesus, Acjinicscam nugu cesalulec,

Welidasultiec, wejimuiwolulec,

Mada cil neuctejin Nujuksetauwigen :

Ac acmaldem wejuksetadie ninen.

[CESPEAC.]

